

唐圭璋編

全

宋

詞

第七冊

國立編譯館

全宋詞卷一百一

曹組 三十六首 附錄一首

米友仁 十八首

曹組

組字元龍，穎昌人。緒弟宣和三年進士，召試中書，換武階，兼閤門宣贊舍人，仍給事殿中，官止副使，有箕穎集。

如夢令

門外綠陰千頃，兩兩黃鸝相應。睡起不勝情，行到碧梧金井。人靜

人靜風動，一枝花影。樂府雅詞下

點絳脣 詠御射

秋勁風高，暗知斗力添弓面。靶分筠幹，月到天心滿。白羽流星

飛上黃金，怨胡沙、鴈雲邊驚散。壓盡天山箭。同上

又

疎柳殘蟬，助人離思。斜陽外，淡煙疎靄，節物隨時改。水已無情

風更無情，曉蘭舟解。水流風快，回首人何在。同上

又

密炬高烧，寶刀時翦。金花碎照人歡醉，也照人無睡。待得灰心

陪盡千行淚，籠紗裏夜涼如水。猶喜長成對。同上

又

小小朱橋，柳邊人過。橫塘路細，風時度。庫本樂府雅詞作春浪痕痕去，草

軟沙平穩，襯尋幽步。庫本雅詞作百花處亂紅飛舞，回首春城暮。同上

又

雲透斜陽，半樓紅影。明窗戶暮山無數，歸鴈愁還去。十里平蕪

花遠重重樹，空凝竚。故人何處，可惜春將暮。同上

又

沉醉歸來，洞房燈火。閒相照夜寒猶峭，信意和衣倒。春夢雖多

好夢長，長少紗窗曉。風幃人悄，花外空啼鳥。同上

又 飯水

霜落吳江，萬畦香稻。來場圃，夜村春黍。草屋寒燈雨。玉粒長腰

沉水溫溫注相留住共抄雲子更聽歌聲度上同

又

一片南雲定知來做巫山雨歌聲纔度只向風中住 惱亂襄王
無限牽情處長天暮又還飛去目斷陽臺路上同

浣溪沙

柳絮池臺淡淡風碧波花岫小橋通雲連麗宇倚晴空 芳草綠
楊人去住短牆幽徑燕西東攀條弄蕊得從容上同

卜算子蘭

松竹翠羅寒遲日江山暮幽逕無人獨自芳此恨憑誰訴 似共
梅花語尚有尋芳侶著意聞時不肯香香在無心處陽春白雪四

好事近

茆舍竹籬邊雀噪晚枝時節一陣暗香飄處已難禁愁絕 江南
得地故先開不待有飛雪腸斷幾回山路恨無人攀折樂府雅詞卷下

阮郎歸

簷頭風珮響丁東簾疎燭影紅鞦韆人散月溶溶樓臺花氣中

春酒醒夜寒濃繡衾誰與同只愁夢短不相逢覺來羅帳空上同

憶少年

年時酒伴年時去處年時春色清明又近也卻天涯爲客 念過
眼光陰難再得想前歡盡成陳迹登臨恨無語把欄干暗秦本雅詞缺暗字據

花庵花草粹編詞綜歷代詩餘詞譜補拍上

品令

乍寂寞簾櫳靜夜久寒生羅幕窗兒外有箇梧桐樹早一葉兩葉
落 獨倚屏山欲寐月轉驚飛鳥鵲促織兒聲響雖不大敢教賢
睡不著上同

醉花陰

九陌寒輕春尚早燈火都門道月下步蓮人薄薄香羅峭窄春衫
小 梅妝淺淡風蛾裊隨路聽嬉笑無限面皮兒雖則不同各有
一般好上同

鷓鴣天

輦路熏風起綠槐都人凝望滿天街雲韶杏杏鳴鞘肅芝蓋亭亭

障扇開 微雨過絕纖埃內家車子走輕雷千門不敢垂簾看總
上銀鈎等駕來同上

又

淺笑輕顰不在多遠山微黛接橫波情吞醺醺千鍾酒心醉飛瓊
一曲歌 人欲散奈愁何更看朱袖拂雲和夜深醉墨淋浪處書
遍香紅擁項羅同上

小重山

簾捲東風日射窗小庭院靜接回廊疎疎晴雨弄斜陽憑欄久
牆外杏花香 時節好尋芳多情懷酒伴憶歡狂歸鴻應已度瀟
湘音書杳前事忍思量同上

又

陌上花繁鶯亂啼驕臨金絡錦障泥尋芳行樂憶當時聯鑣處
飛鞚綠楊堤 春物又芳菲情如風外柳只依依空憐佳景負歸
期愁心切惟有夢魂知同上

臨江仙

青瑣窗深紅獸暖燈前共倒金尊數枝梅浸玉壺春雪明渾似曉
香重欲成雲 戶外馬嘶催客起席間歡意留人從他微霰落紛
紛不妨吹酒面歸去醒餘醺同上

蝶戀花

簾捲真珠深院靜滿地槐陰鏤日如雲影午枕花前情思凝象牀
冰簟光相映 過面風情如酒醒沉水瓶寒帶縷來金井滌盡煩
襟無睡興欄干六曲還重凭同上

漁家傲

水上落紅時片片江頭雪絮飛繚亂渺渺碧波天漾遠平沙暖花
風一陣蘋香滿 晚來醉著無人喚殘陽已在青山半睡覺只疑
花改岸擡頭看元來弱纜風吹斷同上

青玉案

田園有計歸須早在家縱貧亦好南來北去何日了光陰送盡可
憐青鬢暗逐流年老 寂寥孤館殘燈照鄉思驚時夢初覺落月
蒼蒼關河曉一聲鷄唱馬嘶人起又上長安道同上

又

碧山錦樹明秋霽路轉陡疑無地忽有人家臨曲水竹籬茅舍酒
旗沙岸一簇成村市 淒涼只恐鄉心起鳳樓遠回頭謾凝睇何
處今宵孤館裏一聲征鴈半窗殘月總是離人淚上

脫銀袍

濟楚風光昇平時世端門支散碗遂逐旋溫來吃得過那堪更使
金器分明是與窮漢消災滅罪 又沒支分猶然遞滯打篇磨槎
來根底換頭巾更上弄交番厮替告官裏駝逗高陽餓鬼

宣和遺事上

撲蝴蝶

人生一世思量爭甚底花開十日已隨塵共水且看欲盡花枝未
厭傷多酒盞何須細推物理 幸容易有人爭奈只知名與利朝
朝日日忙忙却却地待得一晌閒時又卻三春過了何如對花沉

醉樂府雅
詞卷下

婆羅門引望月

漲雲暮捲漏聲不到小簾櫳銀河淡掃澄空皓月當軒高掛秋入

廣寒宮正金波不動桂影朦朧 佳人未逢嘆此夕與誰同望遠
傷懷對景霜滿愁紅南樓何處想人在長笛一聲中凝淚眼泣盡
西風

若溪隱叢話後集三十九

案漁隱叢話云曾端伯編雅詞乃以此詞爲楊如晦作非也考陽春白雪二花草粹編八引上闕並作楊景詞與雅詞合茲重校之

相思會

人無百年人剛作千年調待把門闌鐵鑄鬼見失笑多愁早老惹
盡閒煩惱我醒也枉勞心謾計較 簷衣淡飯贏取暖和飽住箇
宅兒只要不大不小常教潔淨不種閒花草據見定樂平生便是
神仙了

樂府雅詞卷下

蕩山溪

洗妝真態不在鉛華御

樂府雅詞作護霜雲際遠日明芳樹詞綜同茲據梅苑備祖花庵草堂花草粹編詩餘改趙長痛惜香樂府卷

六和韻亦押御字是其證

竹外一枝斜想佳人天寒日暮黃昏小院無處著清香
風細細雪垂垂何況江頭路 月邊疎影夢到銷魂處結子欲黃
時又須作廉纖細雨孤芳一世供斷有情愁銷瘦損東陽也試問

花知否

同上

又

草薰風暖樓閣籠輕霧牆短出花梢映誰家綠楊朱戶尋芳拾翠
綺陌自青春江南遠踏青時誰念方羈旅昔遊如夢空憶橫塘
路羅袖舞臺風想桃花依然舊樹一懷離恨滿眼欲歸心山連水
水連雲悵望人何處同上

聲聲慢

重簷飛峻麗綵橫空繁華壯觀都城雲母屏開八面人在青冥凭
欄瑞煙深處望皇居遙識蓬瀛回環閣道五花相闕壓盡旗亭

歌酒長春不夜金翠照羅綺笑語盈盈陸海人山輻輳萬國歡聲
登臨四時總好況花朝月白風清豐年樂歲熙熙且醉太平同上

水龍吟

牡丹

曉天穀雨晴時翠羅護日輕煙裏醺醺暖柳花風淡千葩濃麗
三月春光上林池館西都花市看輕盈隱約何須解語疑情處無
窮意金殿筠籠歲貢最姚黃一枝嬌貴東風既與花王芍藥須
爲近侍歌舞筵中滿裝歸帽斜簪雲髻有豪情未已齊燒絳蠟向

欄邊醉同上

憶瑤姬

雨細雲輕花嬌玉軟於中好箇情性爭奈無緣相見有分孤零香
殘細寫頻相問我一句句兒都聽到如今不得同歡伏惟與他耐
靜此事憑誰執證有樓前明月窗外花影拚了一生煩惱爲伊
成病祇恐更把風流逞便因循誤人無定恁時節若要眼兒厮覷
除非會聖花草粹編十
一引詞話

青門飲

山靜煙沉岸空潮落晴天萬里飛鴻南渡冉冉黃花翠翹金鈿還
是倚風凝露歲歲青門飲盡龍山高陽儔侶舊賞成空回首舊遊
人在何處此際誰憐萍泛空自感光陰暗傷羈旅醉裏悲歌夜
深驚夢無奈覺來情緒孤館昏還曉厭時聞南樓鐘鼓淚眼臨風
腸斷望中歸路樂府雅
詞卷下

小重山

深擁熏篝條已冥寂寥山枕畔夢難成誰堪三兩夜烏聲銀缸施

花影上圍屏 猶記舊時情
簾邊人似月 如冰從今張眼到天
明衣帶緩誰與問伶俜

變勢斐然鈔本
曹元龍詞增補

附錄

紅窗迴

赴試步行
戲作慰足

春闈期近也 望帝鄉迢迢 猶在天際懷恨這一雙腳底一日厮趕
上五六十里 爭氣扶持我去博得官歸 恁時賞你穿對朝靴安
排你在轎兒裏更選對官樣鞋兒夜間伴你

詞苑萃編二
十二引詞品

案曹元龍以紅窗迴諸詞名於時 碧鷄漫志二云組作紅窗迴及雜曲數
百解聞者絕倒 若翰漁隱叢話後集二十九云曹元龍本善作詞 特以紅
窗迴戲詞盛行於世 遂掩其名 夷堅志云紹興中曹勣使金好事者戲作
小詞其後閱云單于若問君家世說與教知便是紅窗迴底兒 顧其詞久
佚詞品三云小說載曹東啟赴試步行戲作紅窗迴 恁其足考曹東啟名
顯乃南渡後人有西河一首載花庵中興以來絕妙詞選九詞苑萃編云
東啟後改元龍嘉
熙時人其說誤甚

易大凡刊勞斐然鈔本曹元龍詞三十二首趙執箕續詞三十五首附錄
一首茲用趙輯本惟勞鈔曹元龍詞多出小重山深拂重簾一首因据以
入補

米友仁

友仁字元暉自稱懶拙老人生於元祐元年 芾子力學嗜古亦善畫世
號小米仕至兵部侍郎數文閣直學士紹興二十一年卒年六十三有陽
集

臨江仙

昨夜扁舟沙外艤 淮山微雨初晴 斷雲飛過月還明 一天風露重
人在玉壺清 水際不知何許是遙林 辨微青醉迷歸夢強 〇
凌誰言東去鴈解寄此時情

小重山

醉倚朱闌一解衣 碧雲迷望眼 斷虹低近來休說帶寬圍人千里
還是燕雙飛 深院日初遲 綺窗簾幙靜 恨生眉不堪虛度是花
時 鴻來速爭解寄相思

減字木蘭花

柳塘微雨兩兩飛 鷗來復去倚徧重闌人 在碧雲山外山 一春
離怨日照綺窗長 幾線酒病情魔兩事春來無奈何

點絳脣

浩渺湖天酒浮黃菊 攜佳侶澹煙疏雨去魯方懷土 傾蓋相逢

引滿哦奇語山圍處兇觥頻舉不醉君無去

漁家傲

從古荆溪名勝地溪光萬頃琉璃翠極望荷花三十里香噴鼻我
舟日在花閒艤 向晚餘霞收散綺遙山抹黛天如水滿引一尊
明月裏微風起蕭然真在華胥氏

阮郎歸

小舟載酒向平湖新涼生曉初亂山煙外有還無王維真畫圖
風遽起動襟裾雨來荷濺珠一尊相對喜君俱醉歸紅袖扶

臨江仙

一曲陽關腸斷處臨風慘對離尊紅妝揭調十分斟古來多聚散
正似嶺頭雲 昨夜晴霄千里月向人無恨多情娟娟今夜滿虛
庭一帆隨浪去卻照畫船輕

宴桃源

蝶夢初回栩栩柳岸幾聲鶯語蘋末起微風山外一川煙雨凝顧
凝顧人在玉壺深處

南歌子

遇酒詞先舉逢山眼暫明一川風雨縱留人不道此郎歸興欲兼
程 客久情深 尋歡恨不得繩牀頓睡夢縱橫賴 〇 〇 〇 〇 〇 〇

漁家傲

和晏元
獻韻

郊外春和宜散步百花枝上初凝露福地神仙多外府藏奇趣幽
尋歷徧溪邊路 薄宦浮家無定處萍飄梗泛前人語與子未須
鄉國去來同住且看羣岫煙中雨

念奴嬌

村居
九日

九秋氣爽正溪山雨過茅檐清暇籬菊妍英知是爲佳節重陽開
也色妙香殊勻浮甌面俗狀卑金罍歌狂飲俊滿簪還更盈把
村外草草杯槃邊塵不動欲買應無價端使晴霄風露冷雲捲煙
收平野向晚嬋娟半輪斜照想見清夜玉山頽處要看敲帽如
畫

臨江仙

寶晉軒窗臨望處山圍水繞林縈不堪回首到江城牆趺圍瓦礫
鷗鷺見人驚日願太平歸舊里更無餘事關情小營茅舍倚雲
汀四時風月裏還我醉騰騰

阮郎歸

碧溪風動滿文漪雨餘山更奇淡煙橫處柳行低鴛鴦來去飛
人似玉醉如泥一枝隨鬢敲夷猶雙槳月平西幽尋歸路迷

臨江仙

野外不堪無勝侶笑談安得君同四時景物一壺中醉餘臨望處
遠岫數重重溪上新荷初出水花房半弄微紅曉風蕭爽韻疏
松娟娟明月上人在廣寒宮

念奴嬌

裁成淵明
歸去來辭

闌干倚處戲裁成彭澤當年奇語三徑荒涼懷舊里我欲扁舟歸
去鳥倦知還寓形宇內今已年如許小窗容膝要尋情話親侶
郭外粗有西疇故園松菊日涉方成趣流水涓涓千澗上雲繞奇
峯無數窈窕經丘風清月瞭時看煙中雨蕭然巾岸引觴寄傲衡

宇

醉春風

一陽來復羣陰往吾道從今長萬事莫關情月夕風前依舊須豪
放卿雲舒卷浮青嶂從古書珍賞滿引唱新詞春意看看又到
梅梢上

小重山

雨過風來午暑清榴花紅照眼向人明一枝低映寶釵橫菖蒲酒
玉椀十分斟引滿聽新聲小軒簾半卷遠山青幾人閒處見閒
情醒還醉爲趣妙難名

訴衷情

淵明詩

結廬人境羨陶潛車馬不來喧勝處自多真趣飛鳥日相還心
既遠地仍偏見南山手持菊潁山氣常佳欲辨忘言以上朱本陽
春詞十八首

全宋詞卷一百二

韓世忠 二首 附錄一首

鄧 肅 四十五首

陳與義 十八首

朱 松 一首

劉 錡 一首

韓世忠

世忠字良臣晚號清涼居士延安人生於元祐四年宣和二年方臘反以偏將從王淵討平之積功遷嘉州防禦使南渡歷太保封英國公兼河北諸路招討使奏檜收三大將權拜樞密使連疏乞骸罷爲醴泉觀使奉朝請進封福國公改封咸安郡王紹興二十一年卒年六十三進太師還義

郡王孝宗封肅王
謚忠武配饗高廟

臨江仙

冬日青山瀟灑靜春來山暖花濃少年衰老與花同世間名利客
富貴與貧窮 榮華不是長生藥清閒不是死門風勸君識取主
人公丹方只一味盡在不言中 藥給漫志卷八

南鄉子

人有幾多般富貴榮華總是閒自古英雄都是夢爲官寶玉妻兒
宿業纏 年事已衰殘鬚髮蒼蒼骨髓乾不道山林多好處貪歡
只恐癡迷誤了賢 同上

附錄

滿江紅

萬里長江淘不盡壯懷秋色漫說道秦宮漢帳瑤臺銀闕長劍倚
天氣霧外寶弓挂日煙塵側向星辰拍袖整乾坤難消歇 龍虎
嘯風雲泣千古恨憑誰說對山河耿耿淚沾襟血汴水夜吹羌笛
管鸞輿步老遼陽月把唾壺敲碎問蟾蜍圓何缺 說岳全傳卷五

案此小說家
言未可憑信

鄧肅

肅字志宏沙縣人生於元祐六年欽宗朝召對補承務郎張邦昌僭位奔赴南京擢左正言罷歸家居紹興三年卒年四十二有耕圃集

臨江仙 登酒州
嶺九首

帶雨梨花看上馬問人底事恩恩于飛有願恨難從大鵬搏九萬
鸚鵡鎖金籠 忽忽便爲千里隔危岑已接高穹回頭那忍問前
蹤家留煙雨外人在斗牛中

又

百尺危樓初過雨清風凜作輕寒一聲漁笛在雲端黃昏簾幙捲
新月半闌干 青翼不來音信斷雲窗杳隔三山何當攜手便騷
鸞今宵同勝景玉屏不留殘

又

春雪一甌扶醉玉翩翩兩腋生風柳腰無力殢雲蹤陳郎投轄意
分袂忍恩恩 白玉琢盃龍麝泛瀟瀟天酒爭濃何妨一飲上青
驄晴空行夜月緩轡水晶宮

又

劍水泠泠行碧玉扁舟一葉吹風玉人招手畫橋東浩歌隨月去
春在小樓中 簾幙低垂圍篤耨雕觴笑捧春蔥謾將雨意作雲
濃單于吹未徹門外響玲瓏

又

雨過茶蘼春欲放輕寒約住餘芳南園今日被朝陽瓊葩開萬點
塵世滿天香 百卉叢中紅紫亂玉肌自笑孤光清風翦翦過紗
窗餘醒空一洗不數壽陽妝

又

獨宿禪房清夢斷雞聲喚起晨鐘出門曉月耿寒空小池凝翡翠
竹外跨飛虹 梅塢不知何處了傍籬臨水重重嘯歌都在冷香
中人閒那有此天上廣寒宮

又

夜飲不知更漏永餘酣困染朝陽庭前鶯燕亂絲簧醉眠猶未起
花影滿晴窗 簾外報言天色好水沈已染羅裳檀郎欲起趁春

狂佳人噴不語劈面噴丁香

又

夜靜黃雲承寶轡九疑人到羊家藥宮仙曲送流霞東陵分玉井
遠勝隔荷花 綽約旗亭沾一笑衆驚食棗如瓜畫橋煙柳忽翻
鴉醉鬟傾綠醕參月共橫斜

又

樓北樓南青不斷晴空總是春容先來無處問郎蹤那堪風不定
雨盡一窗紅 初恨水中徒捉月而今水月俱空謾將雨意伴雲
濃臨風千點淚不到潮江東

浣溪沙

雨入空階滴夜長月行雲外借孤光獨將心事步長廊 深鎖重
門飛不去巫山何日夢襄王一牀衾枕冷淒香

又

傍竹柴門俯碧流見人無語眼橫秋鳴機軋軋弄纖柔 定有迴
文傳寶子何時銀漢渡牽牛歸來風雨夜聽鷓鴣

又

宿雨潛回海宇春曉風徐散日邊雲熙熙人意一番新 破睡海
棠能媚客舞風垂柳似招人春衫歸去馬蹏輕

又

闌外形雲已滿空簾旌不動石榴紅誰將秋色到樓中 瑤瑤一
泓浮翠玉瓠犀終日凜天風炎洲人到廣寒宮

又

高會橫山酒八仙煙雲不減九華妍暖風瓊樹倚樓前 妙唱一
聲塵閣落靚妝四座玉相連驂鸞何日共翩翩

又

二八佳人宴九仙華堂清靜闌春妍瓊枝相倚妙無前 良夜黃
雲來縹緲東風碧酒意留連花閒蝶夢想翩翩

又

半醉依人落珥簪天香不數海南沈時傾秋水話春心 已覺吹
簫歸碧落從今禊飲笑山陰金盃休惜十分深

又

海畔山如碧玉簪
天涯消息歎魚沈
賴逢傾國洗愁心
莫爲世情生旅況
且因樂事情光陰
明朝紅雨已春深

菩薩蠻

隔窗瑟瑟聞飛雪
洞房半醉回春色
銀燭照更長
羅屏圍夜香
玉山幽夢曉
明日天涯杳
倚戶黯芙蓉
涓涓秋露濃

又

萋萋欲遍池塘草
輕寒卻怕春光老
微雨溼昏黃
梨花啼晚妝
低垂簾四面
沈水環深院
太白困鴛鴦
天風吹夢長

又

飛紅欲帶春風去
柳絲卻織春風住
去住任春風
只愁尊俎空
今朝鞭馬去
又得高陽侶
半醉踏花歸
霜驪驕欲飛

又

簾旌不動薰餘熱
高堂誰送能言雪
一笑下人間
天風襲坐寒
歌聲雲外去
句句蘇仙語
曲罷一尊空
飄然欲馭風

又

廉纖細雨連天遠
紗窗不隔斜風冷
花柳自生春
無聊空閉門
雙雙攜手處
回首煙汀暮
嬌笑在高樓
知人牢落否

又

垂楊裊裊腰肢軟
寒溪練練琉璃淺
短艇臥吹風
生涯一葉中
五湖須徑去
何用若耶女
煙雨暝沙汀
花香喚酒醒

又

腰肢欲趁楊花去
歌聲能遏行雲住
杯酒醉東風
羈愁一洗空
謫仙清飲露
意在飛瓊侶
未醉卽求歸
新詞句欲飛

又

歸心謾逐飛雲去
歡情卻爲芳菲住
翠袖擁香風
寧辭玉墀空
主人承湛露
元是皋夔侶
早晚定遄歸
商霖四海飛

又
和李狀元

騎鯨好向雲端去
踏花偶爲狂朋住
笑語凜生風
眼高四海空
羊裘衝雨露
我是漁樵侶
已趁白鷗歸
長江自在飛

又

一心唯欲南園去東山著意留難住曾慣識追風馬羣今已空
金盤盛玉露情絕鴛鴦侶破賊凱還歸沖天看一飛

南歌子

竹影窺燈闌泉聲語夜長小窗無夢到高唐獨引三盃長嘯步修
廊月午衣衫冷蓮開風露香闌干西角下銀潢我欲乘槎天上
泛寒光

又

皓月明顚雪冷風亂鬢雲高樓簾幙夜生春半醉依人秋水欲斜
傾曉雨雙溪漲歸舟一葉輕杳無青翼寄慇懃目斷煙波漁火
又黃昏

又

雲繞風前鬢春關檻一作開鏡裏妝風屏清畫稿一作龍香淺畫蛾眉新
樣遠山長比翼曾同夢雙魚隔異鄉玉樓依舊暗垂楊樓下落
花流水自斜陽

又

驛畔爭擲草車前自喂牛鳳城一別幾經秋身在天涯海角忍回
頭旅夢驚殘月勞生寄小舟都人應也望宸遊早晚惠惠佳氣
滿皇州

訴衷情

送李狀元三首

乘鸞縹緲過三山遊戲下人閒金尊不辭頻倒春色上朱顏依
暖玉掠風鬢語關關惟愁漏短雨散雲飛騎月空還

又

龍頭一語定關山黃色上眉閒詔書促歸金闕玉帶侍天顏攏
象板鞀宮鬢唱陽關從容禁闥若念林泉應寄書還

又

從來雲雨過巫山只託夢魂閒何如醉逢傾國春到一瓢顏歌
窈窕舞雙鬟掩雲關重城五鼓月下西樓不忍輕還

長相思令

一重山兩重山山遠天高煙水寒相思楓葉丹菊花開菊花殘

鴈已西飛人未還一簾風月閒

又

一重溪兩重溪溪轉山回路欲迷朱闌出翠微
梅花飛雪花飛醉臥幽亭不掩扉冷香尋夢歸

又

紅花飛白花飛郎與春風同別離春歸郎不歸
雨霏霏雪霏霏又是黃昏獨掩扉孤燈隔翠帷

西江月

臘雪猶埋石巘春風已入梅梢冷香隨馬上瓊瑤不與時人同到
拍手恐驚星斗高歌已在煙霄醉呼玉女解金貂笑問何如蓬
島

又

風薦荷香翦翦月行竹影徐徐微聞環佩過庭除恐是陽臺行雨
玉筍輕籠樂句流鶯夜轉詩餘酒酣風勁露凝珠我欲驂鸞歸
去

生查子

執手兩潸然情極都無語去馬更恩恩一息迷回顧
孤館得村醪一醉空離緒酒醒卻無人簾外三更雨

感皇恩

翠竹謾連雲天風不到簾幕重重自熱惱冷香忽至愛惜當同芝
草井花浮碧玉炎威掃酒渴想東鄰憂心如擣納履生疑謾悔
懷未容沈李相對尊前傾倒報君惟短句瓊琚好

一翦梅題泛碧齋

雨過春山翠欲浮影落寒溪碧玉流片帆乘興挂東風夾岸花香
擁去舟尊酒時追李郭遊醉臥煙波萬事休夢回風定斗杓寒
漁笛一聲天地秋

蝶戀花代送李狀元

執手長亭無一語淚眼汪汪滴下陽關句牽馬欲行還復住春風
吹斷梨花雨海角三千疊路歸侍玉皇那復回頭顧旌旆已
因風月駐何妨醉過清明去

江城子

酒闌攜手過回廊夜初涼月如霜笑問木樨何日吐天香待插一枝歸斗帳和雲雨殢襄王如今滿目雨新黃遠高堂自芬芳不見堂中攜手舊鴛鴦已對秋光成感慨更夜永漏聲長

瑞鷓鴣

此闕本集誤入律詩中今錄此

北書一紙慘天容花柳春風不敢穠未學宣尼歌鳳德姑從阮籍哭途窮此身已落千山外舊事迴思一夢中何日中興煩吉甫洗開陰翳放晴空

以上王本樸櫟詞四十五首

陳與義

與義字去非號簡齋本蜀人後徙居河南襄縣生於元祐五年登政和三年上舍甲科紹興中歷中書舍人拜翰林學士知制誥尋參知政事提舉洞霄宮紹興八年卒年四十九有無住詞

法駕導引

世傳頃年都下市肆中有道人攜烏衣椎髻女子買酒獨飲女子歌詞以侑凡九闕皆非人世語或記之以問一道士道

士驚曰此赤城橫夫人所製水府紫真君法駕導引也烏衣女子疑龍云得其三而亡其六擬作三闕

朝元路朝元路同駕玉華君千乘載花紅一色人間遙指是祥雲

回望海光新

又

東風起東風起海上百花搖十八風鬢雲半動飛花和雨著輕綃歸路碧迢迢

又

簾漠漠簾漠漠天澹一簾秋自洗玉尊原作舟毛刻同茲据毛校本改斟白醴月華微映是空舟歌罷海西流

虞美人

亭下桃花蕊開作長短句詠之

十年花底承朝露看到江南樹洛陽城裏又東風未必桃花得似舊時紅胭脂睡起春纔好應恨人空老心情雖在只吟詩白髮劉郎孤負可憐枝

憶秦娥

五日移舟明山下作

魚龍舞湘君欲下瀟湘浦瀟湘浦興亡離合亂波平楚獨無尊酒酬端午移舟來聽明山雨明山雨白頭孤客洞庭懷古

臨江僊

高詠楚詞酬午日天涯節序忽忽榴花不似舞裙紅無人知此意
歌罷滿簾風 萬事一身傷老矣戎葵凝笑牆東酒杯深淺去年
同試澆橋下水今夕到湘中

虞美人

大光祖席醉中賦長短句

張帆欲去仍搔首更醉君家酒吟詩日日待春風及至桃花開後
卻匆匆 歌聲頻爲行人咽記著尊前雪明朝酒醒大江流滿載
一船離恨向衡州

點絳脣

紫陽寒食

寒食今年紫陽山下蠻江左竹籬煙鎖何處求新火 不解鄉音
只怕人嫌我愁無那短歌誰和風動梨花朵

虞美人

邢子友會上

超然堂上閒賓主不受人間暑冰盤圍坐此州無卻有一瓶和露
玉芙蓉 亭亭風骨涼生牖消盡尊中酒酒闌明月轉城西照見
紗巾藜杖帶香歸

漁家傲

福建道中

今日山頭雲欲舉青蛟素鳳移時舞行到石橋聞細雨聽還住風
吹卻過溪西去 我欲尋詩寬久旅桃花落盡春無所渺渺籃輿
穿翠楚悠然處高林忽送黃鸝語

虞美人

余甲寅歲自春官出守湖州秋杪道中荷花無復存者乙卯歲自瑣園以病得請奉祠卜居青墩鎮立秋後三日行舟之前後如朝

霞相映望之不斷也以長短句記之

扁舟三曰秋塘路平度荷花去病夫因病得來遊更值滿川微雨
洗新秋 去年長恨拏舟晚空見殘荷滿今年何以報君恩一路
繁花相送到青墩

浣溪沙

離杭日梁仲謀惠酒極清而美七月十二日晚臥小閣已而月上獨酌數杯

送了棲鴉復暮鐘欄干生影曲屏東臥看孤鶴駕天風 起舞一
樽明月下秋空如水酒如空謫僊已去與誰同

玉樓春

青墩僧舍作

山人本合居岩嶺聊問支郎分半境殘年藜杖與綸巾八尺庭中
時弄影 呼兒汲水添茶鼎甘勝吳山山下井一甌清露一爐雲
偏覺平生今日永